



SÁMEDIGGI
SÁMITIGGE
SÁÁ'MTE'G'G'
SAAMELAISKÄRÄJÄT

SKUVLEN- JA OAHPPAMATERIÁLADOAIMMAHAT
KOULUTUS- JA OPPIMATERIAALITOIMISTO



SÁMENUORAIÐ DÁIDDADÁHPÁHUS
SÁMINUORÁI TAAIDÁTÁBÁHTUS
SÁÁ'MNUÕRI ČEÄ'PPVUÕÐPEI'VV

31.03.2010
LOSTÁMEDIATIÄÐÁTTÁS

Sáminuorái muusik puátá Ruávinjaargân - paijeel 300 nuorrâd sáminuorái taaidátábáhtusân

Ruávinjaargâ kaavpug nuorâisaje Mondest nuorah lávluh, jyeigih já suáittih tave-, aanaar- já nuorttásámikielân pessijái maŋa. Sáminuorái taaidátábáhtus čuákkee paijeel 300 sáminuorrâd Ruávinjaargân 7.-8. cuáŋuimáánu. Taaidátábáhtus uárnejuvvooo táäl vuossámuu keerdi sámiikuávlu ulguubeln. Taaidátábáhtus halijdui ornid Ruávinjaargâst, ko kaavpugist äässih viehâ ennuv sáminuorah, kiäh iä lah ovdil uásálistám taaidátábáhtusân já tuše häärvih láá finnim sámiikielâ máttáátás škoovlâst. Sáminuorái taaidátábáhtusah láá uárnejum 1970-lovo ráájist.

Váldu-uárnejeeje sámitigge haalijd, et taaidátábáhtus lii nuuvt maangâ sáminuorâ ooláádmuddoost, ko máhđuláš. Táábáhtus ohtân uáivilin lii meiddei movtáskittiđ sámiikielâ luhâmân. Taaidátábáhtus tuárju talle sehe nuorái taaidápuđâldásâid et sámiikielâ kevttim. Maangah tobdos sámitaaidâreh láá finnim vuossámuid lávtástállámvuáttámušâid eidu taam táábáhtusâst. Táábáhtus lii áinoo jyeihi-ihásâš sámiikielâláš nuorâitábáhtus Suomâst.

Teeman muusik

Sáminuorái taaidátábáhtus teeman lii taan ive muusik jieškote-uv šlaajâst. Táábáhtusan láá almottáttám 22 musijkkárid tai muusikjuávkkud, main láá puohnâssân 150 kiišton uásálisted. Čáittuseh ovdâsteh tave-, aanaar- já nuorttásámikielâid. Nuorah puátiđ táábáhtusan masa puohâin sámiikuávlu škoovlâin. Ruávinjaargâst láá táábáhtusân almottáttám kulmâ juávhu/musijkkár. Táábáhtusan uárnejuvvojuh linjâšautosáátuh jyeihi kuávlust sámiikuávlu.

Táábáhtus álgá koskoho 7. cuáŋuimáánu Nivavaara vyelitääsi škoovlâst tme 18.30 Kiärun sámitheater čáittusâin Ovta guovvamánoija (Oovta kuovâmánuiijâ). Eehid juátkoo nuorâisaje Mondest tme 20.00 sámiikielân rokkájejee SomBy konsertáin. SomBy lii nijttám mááinu Suomâ lasseen Taažâst já Ruotâst. Moonnâm čoovčâ tot puovtij eurooplilij ucceeblovokuávlu laavlâkištoost Liet internationaalâst vuáitu Sáámán. SomBy vuálgá joton Ruávinjaargâ táábáhtusâst deebyyalbumis *Álas eana* (pietittis eennâm) almostittemturneen.

Táábáhtus ääigi puáhtá meiddei uápásmuđ sáámi muusikkân, kirjálášvuotân já tuojjid. Sáámi tuájárij servi Sámi Duodji ry uásálist táábáhtusan oovdânpyehtimáin já vyebdimáin pyevtittásâidis.

Sáminuorái taaidátábáhtus kulá váldikodáláš Nuorâ Kulttuur táábáhtusan, mii ij uárnejuu taan ive. Máttááttásministeriö ruttâd kuittâg sáminuorái taaidátábáhtus meid taan kiiđâ. Táábáhtus uárnejeh Sámitigge, Sáámi párnáikulttuurkuávdáš, Ruávinjaargâ kaavpug já Ruávinjaargâ sámiservi Mii ry.

Looveest lii hitruus já ivnáás sáminuorái juhle, ko sámiimáccuhijguin činđáttám sáminuorah almostuveh Ruávinjaargâ kááđukován! Puoh táábáhtussâid lii ríjjâ páássám.

Koulutus- já oppimateriaalitoimisto/ Skuvlen- já oahppamateriáladoaimmahat/
Škovlim-já oppimateriaaltoimittah/ Škoovlâst- da vuá pstemaaunâskoontâr/
Office on Education and Instruction Material

Lehtolantie 1
FIN-99870 Inari
www.samediggi.fi

Tel. +358 (0)10 839 3100
Fax. +358 (0)10 839 3130
ovdanamma.sohkanamma@samediggi.fi
etunimi.sukunimi@samediggi.fi

SÄMITIGGE



SÁMENUORAIÐ DÁIDDADÁHPÁHUS
SÁMINUORÁI TAAIÐÁTÁBÁHTUS
SÄÄ 'MNUÕRI ČEÄ 'PPVUÕÐPEI 'VV

31.03.2010
LOSTÁMEDIATIÄÐÁTTÁS
2 (2)

Lasetiäduh:

Kaisa Tapiola

kaisa.tapiola(at)samediggi.fi

puh. 010 839 3132, 050 435 0177

www.samediggi.fi

<http://www.samiteahter.org/>

www.tuuparecords.fi

<http://www.myspace.com/sombyfinland>

<http://www.rovaniemi.fi/suomeksi/Palveluhakemisto/Nuoret/Nuorisotilat.iw3>

Lahtosin:

Sáminuorái taaidátábáhtus plaakaat, mon lii vuávám nuorttásämmiláš taaidáuáppee Tanja Sanila
Tábáhtus almoláš ohjelm já lávtástállâmoornig